

Gwaith cartref – Uned 15



1. Llenwch y bylchau

A	Os bydd tân, chwiliwch am yr dân ar unwaith!	
B	Mae rhai'n dweud taw y ddraig goch yw'r orau yn y byd!	
C	Mae yn y bil! Dyw e ddim yn chwe deg punt!	
Ch	Mae'r adran cynnal a yn fwy prysur yn y gaea ac ar ôl stormydd.	
D	Mae'r swyddog iechyd a yn bwysig ar noson Tân Gwylt!	
Dd	Ro'n i mewn tipyn o gyda'r cerdyn credyd ar ôl y Nadolig.	
E	"Bore da, ga i 273 os gwelwch chi'n dda?"	
F	Dyw Huw ddim yn hoffi rhannu ei personol gyda neb.	
Ff	Roedd hi'n anodd â'r ferch pan aeth hi i ffwrdd i'r coleg.	
G	Gêm oedd hi rhwng Caerdydd ac Abertawe – un gôl yr un.	
Ng	Mae Myrddin ap Dafydd yn gweithio yng Carreg Gwalch	
H	Doedd dim car gyda fi pan o'n i'n byw yn Llundain. Felly, dw i wedi colli a ddim eisiau gyrru.	
I	Mae'n well gyda fi fwyd na rwtsh fel creision a siocled.	
L	Mae 'r parseli adeg y Nadolig yn cymryd mwy o amser na'r agor!	
LI	Mae'r yn ofnadwy yn y swyddfa yma, does neb byth yn glanhau.	
M	Yr Urdd yw'r ieuencid i blant a phobl ifanc sy'n siarad Cymraeg.	
N	Mae o bobl wedi ymuno â'r dosbarth ers iddo fe ddechrau.	
O	Gair arall am "achos..." yw ".....".	
P	Roedd y Weinidog ar newyddion S4C o'r Senedd neithiwr.	
Ph	Roedd llawer o weiddi a y tu allan i'r Senedd!	
R	Cafodd y rhaglen ei yn yr Eisteddfod Genedlaethol.	
Rh	Clymwch y yn iawn neu bydd y cwch yn mynd gyda'r tonnau.	
S	Mae'n braf cael tywydd..... os dych chi'n mynd i wersylla!	
T	Beth yw'r ar gyfer y cyfarfod?	
Th	Roedd lawer o fellt a neithiwr yn ystod y storm.	
U	Mae pob yn y dosbarth yn bwysig.	
W	Mae llawer o diddorol iawn yn y gwersyll gwyliau.	
Y y lleidr o flaen y llys.	

2. Mae cwmni 'Cymru ar Waith' wedi anfon holiadur am swyddi pobl. Llenwch y ffurflen yma os gwelwch yn dda:

1. Enw llawn: _____

2. Cyfeiriad ebost: _____

3. Disgrifiwch eich swydd gynta erioed (tua 50 gair)

4. Beth ydy teitl eich swydd bresennol chi/Beth oedd teitl eich swydd ddiwetha chi?

5. Beth yw/oedd y peth gorau a'r peth gwaethaf am y swydd (tua 50 gair)?

6.Beth fasech chi'n hoffi/wedi hoffi ei newid am y swydd? (tua 50 gair)

7. Fasech chi'n hoffi crynodeb (*summary*) o ganlyniadau'r holiadur? _____

Diolch am eich help.

3. Darllenwch yr ebyst ac atebwch y cwestiynau.

Oddi wrth: Aled ap Hywel

At: Staff y Coleg

Testun: Clwb y Staff

Annwyl gyfeillion,

Diolch i bawb sy wedi bod yn cefnogi clwb y staff dros y flwyddyn ddiwethaf. Fel mae pawb yn gwybod yn barod, mae Rheinalt Morgan, rheolwr amser llawn y clwb, wedi ymddeol yn gynnar. Roedd hi'n braf cael cyfle i ddiolch iddo mewn noson arbennig yn y clwb y mis diwetha. Byddwn ni'n hysbysebu yn y papur newydd i gael rhywun arall i reoli'r clwb yr wythnos yma.

Ond hoffwn ofyn heddiw a oes gan un ohonoch chi ddiddordeb mewn gwaith gyda’r nos ac ambell benwythnos – mae angen rhywun i helpu tu ôl i’r bar ac i helpu’r rheolwr. Os oes, cysylltwch efo fi. Cofiwch fod y wybodaeth ddiweddara’ am bopeth sy ymlaen yma ar wefan y clwb; mae’n debyg fod camgymeriad yn y wybodaeth ym mhapur y coleg a’r posterï yn y bwyty.

Diolch,
Aled

Oddi wrth: Ifan Tomos
At: Aled ap Hywel
Testun: Clwb y Staff

Annwyl Aled,

Diolch am y neges a’r wybodaeth. Mae gen i ddiddordeb yn swydd y rheolwr, nid yn y gwaith arall. Dw i’n gwybod bydd hysbyseb yn y papur cyn hir, ond ro’n i’n meddwl y basech chi’n medru helpu. Ar hyn o bryd, dw i’n gweithio yn llyfrgell y coleg, ond mae’r pennaeth yno’n gwneud bywyd yn anodd i’w staff i gyd. Basai unrhyw swydd arall yn well! Dw i ddim yn poeni cymaint am faint o dâl sydd na pha fath o waith ydy o. Dw i’n drefnus iawn, yn gyrru, ac wedi arfer rheoli pobl ac arian. Faswn i ddim yn medru gweithio gyda’r nos, gan fod gen i deulu ifanc... ydy’r swydd yn gofyn am hynny? Do’n i ddim eisiau gwastraffu amser yn gwneud cais heb wneud hynny’n glir.

Baswn i’n ddiolchgar tasech chi ddim yn dweud wrth awdurdodau’r coleg na’r llyfrgell mod i wedi dangos diddordeb... am y tro beth bynnag. Wnewch chi fy ffonio ar 07937 118909 am sgwrs os gwelwch chi’n dda, neu adael neges?

Cofion gorau,
Ifan Tomos

Nodwch yr ateb mwya priodol (*appropriate*) o’r brawddegau isod drwy roi llythyren yn y blwch.

1. Prif reswm Aled ap Hywel dros anfon neges yw/ydy...

a. diolch i Rheinallt Morgan.

b. hysbysebu am reolwr newydd.

c. chwilio am bobl i weithio’n rhan-amser.

ch. dweud beth sy ymlaen yn y clwb.

d. gofyn am ebost.

2. I gael gwybodaeth gywir am ddigwyddiadau’r clwb, dylai pobl...

a. edrych ar y we.

b. ddarllen papur y coleg.

c. edrych ar y posterï.

ch. alw heibio.

d. gysylltu ag Aled.

3. Mae Ifan yn chwilio am swydd newydd achos...

a. mae e eisiau gweithio yn y clwb.

b. dydy e ddim eisiau gweithio yn y llyfrgell.

c. mae e’n ddi-waith.

ch. mae teulu ifanc gyda fe.

d. dydy e ddim eisiau gyrru’n bell.

4. Mae Ifan eisiau gwybod...

a. pa fath o waith ydy hwn.

b. oes rhaid rheoli pobl ac arian.

c. pryd bydd yr hysbyseb yn y papur.

ch. beth yw’r cyflog.

d. beth yw’r oriau gwaith.

5. Mae Ifan eisiau gwneud yn siŵr fod ei bennaeth...

a. yn ffonio 07937 118909.

b. ddim yn derbyn cais.

c. ddim yn clywed ei fod eisiau gadael.

ch. yn cael y neges.

d. ddim yn trin ei staff yn ddrwg.

